

醫學秘奧一



複製說明

中醫古籍是祖國醫藥學偉大寶庫中的燦爛明珠是發掘與整理祖國醫藥學的珍貴文獻根據一九八五年五月全國中醫圖書情報工作會議精神使館藏珍本秘籍為全國廣大中醫藥人員所共享現將本館特藏孤本醫籍醫學秘奧予以複製裝裝提供給廣大中醫藥臨床教學及科研人員參考研究

醫學秘奧為北宋人高德因所纂書初撰於北宋祥符慶歷年間至明代由其裔孫高夢麟號仲泉

重新整理校正并增加許多家傳秘方而後書前
冠有明隆慶三年進士兼理勅修建講官國史
修撰分校及永樂大典纂修吳郡所作之序書成
後梓行於世其否經查有圖書目及史料均未見
記載本館所藏為清抄本當幸為流存下來的珍
本書端有加摩居士賈春波章等印章但是否傳
抄者有待查考

全書凡十二冊內容十分豐富外科疾病診治占
主要篇幅容量相當大另含兒科雜病喉科及二

百十三味中草藥的炮製法等本書論述疾病甚
為精詳既有病因病機探討又有証狀治法
闡述并舉治驗案例說明更証兼証之加減所載
多為世傳秘方每方有証治組成劑量炮製服法
禁忌等甚利店人所用全書附圖數百幅工筆描
繪宋元明人服飾使証狀更為形象化誠如吳郡
所言種種繪圖定方具有法度信利人之妙尤濟
世之弘軌也

浙江中醫學院圖書館

一九八五年十二月



序

余讀遷史記載秦越人淳
于意俞跗之徒其治人疾
病皆能觀察體脉輒洞臟
腑決死生至不爽豪末如



與齊桓公魏太子所辨治
多驗弗誣蓋其伎神妙得
之於心而又持其機權以
識其陰陽寒熱之辨經絡
腸胃腠理之殊而後施夫



刀圭方藥若燭照而數計
者是以業是者未易及也
然非太史公爲之記敘其
何以聲施後世而千載誦
法之哉昔有高德因者以

瘍醫行於慶曆祥符之間
詔治太子疾召入仁智殿
下訊之未幾太子病愈輒
嘉勞之封爲太師以國老
稱遂命製諸方以弘濟寰

海外內一時神其術者咸
知有竇氏瘍醫矣然其書
之傳於世者分析種種繪
圖定方具有法度信利人
之妙術濟世之弘軌也我

明以來家有傳焉其方多
驗裔孫楠續授太醫院醫
士其子夢麟術業益工聲
稱籍甚乃緝遺書重增經
驗諸方梓以行世蓋得其



一技之良有功於人庶幾

繩祖父之萬一矣遡漢卿

爲合肥人嘗遊江湖遇一

至人而其術益神則醫業

之精信非偶然者矣夢麟


號仲泉今家常之無錫與
華太學復陽游復陽爲秋
官補菴公之子比來京師
備能道之欲乞一言爲序
余知竇氏之醫如盧扁而



深媿吾言之不能如遷建
令其信今而鳴後也聊書
以歸之隆慶三年龍集己
巳菊月望日賜進士及第
翰林院國史脩撰分校承



樂大典纂脩世宗實錄
理誥勅經筵講官吳郡
時行書



醫學秘奧

田村高德因撰

咽喉說一

呼者因陽出吸者隨陰入呼吸之間肺經主之喉嚨

已下言六臟爲手足之陰咽門已下言六腑爲手

足之陽蓋諸臟屬陰爲裏諸腑屬陽爲表以臟者

藏也藏諸神流通也腑者府庫主出納水穀糟粕

轉輸之謂也自喉嚨已下六臟喉應天氣乃肺之

系也以肺屬金乾爲天乾金也故天氣之道其中

空長可以通氣息但喉嚨與咽並行其實兩異而人多惑之蓋喉嚨爲息道咽中下水穀其喉下接肺之氣一云喉中三竅者非果喉中具三竅則水穀與氣各從一竅而俱下肺中肺下無竅何由傳送水穀入於下焦

黃帝書云肺爲諸臟之華蓋藏真高之氣於肺經也故清陽出上竅濁陰出下竅若世人不知保養風寒暑濕燥熱六氣喜怒憂思悲恐驚之七情役冒非理百病生焉病瘍旣成須尋所自若喉痺乳蛾纏喉風喉瘡喉閉風毒熱毒等症當刺則刺不可

乳醫當吐則吐不可妄治此等症係性命之根本
生死立見不識其標本而攻之失其法則禍不旋
踵矣

又咽喉說二

丹溪云咽喉者一身總要與胃相授呼吸之所從出
若胞膈蘊積熱毒致生風痰壅滯不散發而爲咽
喉之病喉內生瘡或狀如肉赤肉爲腫窒塞不通
吐嚥不下甚則生出重舌大法先去風痰以通咽
膈然後解其熱毒遲則有不救之患又有熱毒衝
於上腭而生瘡謂之懸癰及腑寒亦能令人咽閉